

Քրիստոնեայ մարդը կոչուած է սո՛ւրբ ըլլալու

«Ինչպէս որ ձեզ կանչողը՝ Աստուած սուրբ է, դուք ալ սուրբ եղէ՛ք ձեր ամբողջ կեանքով» (Ա.Պտ. 1.15): Աստուծոյ գաւակը սո՛ւրբ պէտք է ըլլայ, որովհետեւ ան կանչուած է այդպիսին ըլլալու (Հո. 1.7): Սո՛ւրբ պէտք է ըլլայ, որովհետեւ Քրիստոսի արիւնով սրբուած է (Յյտ. 1.5): Սո՛ւրբ պէտք է ըլլայ, որովհետեւ իր մարմինը անդամն է Քրիստոսի սուրբ մարմինին՝ եկեղեցիին (Ա.Կր. 6.15): Սո՛ւրբ պէտք է ըլլայ, որովհետեւ տաճար է Սուրբ Հոգիին եւ բնակարան Աստուծոյ (Ա.Կր. 3.16, 6.19): Սո՛ւրբ պէտք է ըլլայ, որովհետեւ գործակիցն է Աստուծոյ, անդաստանն ու շինութիւնն է Աստուծոյ (Ա.Կր. 3.9): Սո՛ւրբ պէտք է ըլլայ, որովհետեւ իր գուրդը Քրիստոս է եւ Քրիստոս սուրբ է (Եփ 5.23, Ա.Կր. 11.3):

ՄԻՍԱՆԱԲԱՐ ԱՂՕԹԵՆՔ

Փրկէ՛ զիս, Տէր, որսացողներէն, որոնք վրաս կը յարակին, որպէսզի բռնեն մեղքով եւ անժուժկալ ծուլութեամբ, մոռցնեն յանցանքներս եւ թոյլ չտան, որ յիշեմ հատուցման օրն ու սարսելի պատասխանը, որ կ'ըսէ. «Հեռո՛ւ գացէ՛ք ինձմէ, անիծեալներ, դէպի յաւիտեանական հուրը»:

ԵԹԷ ԿԱՍ ԵՐԲ Կ՛ՈՒԶԵՍ...

ԵԹԷ Կ՛ՈՒԶԵՍ ԳԻՏՆԱԼ, ԹԷ ԱՍՏՈՒԱԾ ԻՆՉՊԷՍ ԿԸ ՊԱՇՏՊԱՆԷ ԱՐԴԱԱՐԸ, ՄԻԱՍՆԱԲԱՐ ԿԱՐԿԱՆՔ՝ Սաղմոս 7

Տէ՛ր, Աստուածս, յոյսս բու վրայ դրած եմ. փրկէ եւ ազատէ՛ զիս բոլոր հալածիչներէս: Զըլլայ, որ առիւծի պէս իմ անձս գիշատեն, բզկտեն զիս եւ ազատող մը չունենամ:

Տէ՛ր, Աստուածս, եթէ յանցանք մը գործեցի, կամ ձեռքերուս մէջ անիրաւութիւն կայ, եթէ ինձի բարիք ընողին չարիք հասցուցի, կամ դրկեցի առանց պատճառի ինձի թշնամացողը, թող թշնամին վրաս յարակի եւ հալածէ իմ անձս, թող զգետնէ ու խորտակի իմ կեանքս եւ իմ փառքս փոշիի վերածէ:

Ե՛ւ, ո՛վ Տէ՛ր, բարկութեամբ ցցուէ մեղիչներուս կատաղութեան դէմ: Արթնցի՛ր, ո՛վ իմ Աստուածս, դուն՝ որ իրաւունքը կը հաստատես:

Ժողովուրդները մեծ բազմութեամբ թող բու շուրջդ խմբուին, եւ դուն՝ բու բարձրութենէդ տիրէ անոնց վրայ:

Դուն, որ կը դատես ժողովուրդները ո՛վ Տէ՛ր, դատէ՛ զիս, որ արդար եմ եւ անմեղ:

Թող վերջ գտնէ ամբարիշտներու չարութիւնը եւ դուն արդարը հաստատէ. որովհետեւ դուն, արդար՝ Աստուած, կը բռնես մարդոց մտածումներն ու ցանկութիւնները:

Միրելի ընթերցող, ՃՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարդալու կամ անդամագրուելու համար:

ՀԱՍՑԷ.



ՔՈՒՆՍԵՂ ԽՍ ՌՅԲԵՐՈՒՄ ԵՐԱԳ Է ՈՒ ԽՍ ԸՆԿԻՆՆԵՐՈՒՄ ԼՈՅՍ (Ս. 119-105)

ԺԳ. ՏԱՐԻ

ԿԻՐԱԿԻ, 3 ՄԱՅԻՍ 2020

ԹԻՒ 18

ԿԻՐԱԿԻ ՕՐԵՐՈՒ ԱՍՏՈՒԱԾԱԸՆԶԱԿԱՆ ԸՆԹԵՐՑՈՒՄՆԵՐ

Գործք 13.16-43: Ա. Պետրոս 5. 1-14

ՅԻՍՈՒՍ ՔՐԻՍՏՈՍԻ ԱՒԵՏԱՐԱՆԸ ԸՍՏ ՅՈՎՀԱՆՆՈՒ 5.19-30

(ԿԱՐՄԻՐ ԿԻՐԱԿԻ)

Յիսուս անոնց ըսաւ. «Հաստատ գիտցէ՛ք, թէ մարդու Որդին ինքն իրմէ ոչինչ կը կատարէ, այլ՝ կը կատարէ միայն այն, ինչ որ կը տեսնէ թէ Հայրը կը կատարէ: Որովհետեւ, ինչ որ Հայրը կը գործէ, Որդին ալ նոյնը կը գործէ: Հայրը կը սիրէ Որդին եւ անոր ցոյց կու տայ, ինչ որ ինք կը կատարէ: Տակաւին ձեր տեսածներէն անելի սքանչելի գործեր ալ ցոյց պիտի տայ Որդին, այնպէս որ դուք պիտի զարմանաք: Ինչպէս որ Հայրը մեռելները կը յարուցանէ եւ կեանք կու տայ անոնց, նոյնպէս ալ Որդին կեանք կու տայ անոնց՝ որոնց ինք կ'ուզէ: Եւ Հայրը ոեւէ մէկը չի դատեր, այլ՝ դատելու իշխանութիւնը ամբողջութեամբ յանձնած է իր Որդիին, որպէսզի բոլորն ալ պատուեն Որդին, ինչպէս որ Հայրը կը պատուեն: Ան որ չի պատուեր Որդին, չի պատուեր Հայրը՝ որ զայն դրկած է:

Հաստատ գիտցէ՛ք, ան որ իմ խօսքերս կը լսէ եւ կը հաւատայ անոր, որ զիս դրկեց, յախտեանական կեանք ունի եւ պիտի չդատապարտուի, որովհետեւ արդէն իսկ մահէն կեանքի անցած է: Վատահ եղէ՛ք, ժամանակ կու գայ-եւ արդէն իսկ եկած է- երբ մեռելները Աստուծոյ Որդիին ձայնը պիտի լսեն եւ լսողները պիտի ապրին: Որովհետեւ, ինչպէս որ Հայրը կեանք պարգեւելու զօրութիւնը ունի իր մէջ, այդ զօրութիւնը տուած է նաեւ Որդիին: Նոյնպէս ալ դատելու իշխանութիւնը տուաւ Որդիին, որովհետեւ անիկա մարդու Որդին է: Ուրեմն մի՛ զարմանաք որ ըսի, թէ ահա կու գայ ժամանակը, երբ բոլոր անոնք որոնք գերեզմաններու մէջ են՝ պիտի լսեն անոր ձայնը եւ դուրս գան: Անոնք, որ բարիք գործած են՝ յարութիւն պիտի առնեն եւ ապրին, իսկ անոնք որ չարիք գործած են՝ յարութիւն պիտի առնեն եւ դատապարտուին: Ես ինձմէ չէ որ կը դատեմ, այլ՝ կը դատեմ այնպէս ինչպէս Հօրմէս կը լսեմ եւ ուրեմն իմ դատաստանս արդար է, որովհետեւ կը գործադրեմ ո՛չ թէ կամքս, այլ կամքը անոր, որ զիս դրկեց»:

**ԱՌԱՔԵԱԼՆԵՐՈՒ ԳՈՐԾԵՐԸ
13.16-43**

Պօղոս ոտքի ելաւ, ձեռքով նշան քաւ որպէսզի լռեն, եւ ըսաւ. «Ո՛վ իւրայէլացիներ եւ աստուածավախ մարդիկ, մտիկ ըրէ՛ք: Այս ժողովուրդին՝ Իսրայէլի Աստուածը ընտրեց մեր հայրերը, բազմացուց մեր ժողովուրդը, որ Եգիպտոսի մէջ որպէս պանդուխտ կ'ապրէր, եւ իր մեծ գորութեամբ գանձեց հոնկէ հանեց: Շուրջ քառասուն տարի անապատին մէջ կերակրեց գանձեց: Ապա Քանաան երկրի բնակիչ եօթը ազգերը պարտութեան մատնելով, անոնց երկիրը մեր ժողովուրդին տրուաւ որպէս ժառանգութիւն: Այս բոլորը եղան մօտաւորապէս չորս հարիւր յիսուն տարիներու ընթացքին: Այնուհետեւ Դատաւորներ տուաւ անոնց, մինչեւ Սամուէլ մարգարէի ժամանակ, երբ մեր ժողովուրդը թագաւոր ուզեց, եւ Աստուած թագաւոր կարգեց Սաւուղը՝ Կիսի որդին, որ Բենիամինի ցեղէն էր, քառասուն տարուան համար: Սաւուղէն ետք անոնց վրայ թագաւոր կարգեց Դաւիթը, որուն մասին նաեւ վկայեց, ըսելով. «Դաւիթը, Յեսուէի որդին, սրտիս խօսող անձն է, որ ամբողջութեամբ իմ կամքս պիտի կատարէ»: Անոր սերունդէն էր, որ Աստուած Իսրայէլի տուաւ իր խոստացած Փրկիչը՝ Յիսուսը: Բայց նախքան անոր հրապարակ գալը, Յովհաննէս Իսրայէլի ամբողջ ժողովուրդին կը քարոզէր որ պաշտարեն եւ մկրտուին: Եւ իր պաշտօնը լրացնելու ժամանակ, Յովհաննէս ըսաւ. «Ո՛վ կը կարծէք զիս: Ես ձեր սպասած անձը չեմ: Ահա ինձմէ վերջ կու գայ անիկա, որուն կօշիկները հանելու իսկ արժանի չեմ ես»:



**ՊԵՏՐՈՍ ԱՌԱՔԵԱԼԻ ԸՆԴՀԱՆՐԱՎԱՆ
ԱՌԱՋԻՆ ՆԱՄԱԿԸ
5.1-14**

Երէցներ, որպէս երիցակից մը, որ ձեզի պէս վկայ եմ Քրիստոսի չարչարանքներուն եւ ձեզի հետ ալ մասնակից պիտի ըլլամ գալիք փառքին, որ պիտի յայտնուի, կ'աղաչեմ ձեզի: Ձեզի վստահուած Աստուծոյ հօտը արածեցէք ոչ թէ իբր պարտադրանք կատարելով վերակացութեան ձեր պաշտօնը, այլ՝ կամատրաբար, ինչպէս Աստուած կ'ուզէ: Ո՛չ թէ դրամի սիրոյն, այլ՝ յօժարութեամբ: Ո՛չ թէ ձեզի վստահուած մարդոց ձեր անձերը պարտադրելով, այլ՝ օրինակ ըլլալով ձեր հօտին, որպէսզի երբ Հովուապետը յայտնուի՝ անթառամ փառքի պսակը ընդունիք:

Նոյնպէս ալ դուք, երիտասարդներ, հնազանդ եղէք ձերերուն: Բոլորդ ալ խոնարհաբար ծառայեցէք իրարու, որովհետեւ ինչպէս Առակաց Գիրքը կ'ըսէ. «Աստուած հակառակ է ամբարտաւաններուն, մինչ խոնարհներուն շնորհք կու տայ»:

Հետեւաբար Աստուծոյ հօտը ձեռքից տակ խոնարհեցէք, որպէսզի երբ յարմար ժամանակը գայ ձեզ քարոզուան: Ձեր բոլոր հոգերը Աստուծոյ ձգեցէք, որովհետեւ ինքը կը հոգայ ձեր մասին:

**ՇԱՐՈՒՆԱԿԵԼ ԸՆԹԵՐՑԱՆՈՒԹԻՒՆԸ
ԱՍՏՈՒՄՕՎՈՒՄԸ:
ՄԻՇՏ ԱՍՏՈՒՄՕՎՈՒՄԸ ԿԱՐԴԱՆՔ:**

**ՍՈՒՐԵՐ ԵՒ ՏՕՆԵՐ
ԿԱՐՄԻՐ ԿԻՐԱԿԻ**

Չատիկի երրորդ Կիրակին կը կոչուի Կարմիր Կիրակի: Կարմիր կոչումը բացատրող եկեղեցական որեւէ արարողութիւն գոյուցիւն չունի: Կարմիր կոչումը կը մնայ անբացատրելի սակայն, հաւանաբար դարձեալ բնութեան հետ կապ ունի: Կանաչ եւ Կարմիր Կիրակիներու սովորութիւնն էր եկեղեցւոյ մէջ կանաչ եւ կարմիր գոյներու գործածութիւնը: Եկեղեցւոյ վարագոյրը, պատարագիչի զգեստը, դպիրներու շապիկները, Կիրակի օրուան համաձայն, կանաչ կամ կարմիր կ'ըլլային: Ժամանակին սովորութիւն էր նաեւ գաւառներուն եւ գիւղերուն մէջ կանաչ կամ կարմիր հագուելը:

Ոմանք Կարմիր Կիրակին նուիրուած կը համարեն Յիսուսի եօթներորդ անգամ աշակերտներու երեւնալուն՝ Տիրեբական ծովի ափին, Պետրոսի ուրացումին եւ քաւութիւն ստանալուն, համաձայն Յիսուսի երեք հարցումներուն. «Սիմոն Յովհաննու, կը սիրե՞ս զիս»: Կարմիր Կիրակին մէջ այլաբանական բացատրութիւն, նմանութիւն գտնելն ու որոշելը դիւրին է անշուշտ: Քրիստոսի արիւնով ծաղկած Կիրակի, Քրիստոսի արիւնով հաստատուած եկեղեցի: Բայց այս ձեւով, կանաչ ու կարմիր կոչումի քրիստոնէական այլաբանական բացատրութիւնը միայն կրնանք ունենալ, առանց հասկընալու իսկական իմաստը, ազգային աւանդութիւնը:

Հեւեաբար, Կարմիր Կիրակի օրը, Կանաչ Կիրակի օրուան ժողովրդական սովորութիւն կը տիրէ: Երթալ բացօթեայ վայրեր, նոր ծաղկած բնութեան ծոցը ըլլալ:

ԱՂՕԹՔ Ս. ԱՍՏՈՒՄՕՎՈՒՄԸ
Ս. ԳՐԻԳՈՐ ՆԱՐԵԿԱՅԻԷՆ

Ու հիմա, այսօրու յուսահատութիւններէ եւ ահարկու սրտաբեկութիւններէ, աստուծային բարկութեան պակուցիչ սաստկութիւններէ ետքը, թախծութեամբ ի սպառ տագնապած, կ'աղաչեմ՝ քեզի, սուրբ Աստուծածին: Հրեշտակ՝ մարդոցմէ, մարմնատեսիլ ֆերովքէ, երկնաւոր թագուհի, անխառն՝ ինչպէս օդը, մաքուր՝ ինչպէս լոյսը, անշաղախ՝ ինչպէս բարձրացած արեւուն պատկերը, գերազանց քան անկոխելի Սրբութիւն Սրբութեանց: Ընդունէ՛ դաւանողիս այս մաղթանքն ու աղերսը ու ասոր հետ միացնելով իմ նախկին ներքոյիս խօսքերը, խառնէ՛ քու պաղատանքներուդ: Հիւսէ՛, միացո՛ւր իմ մեղաւորի դառն մեծութիւնները քու երջանիկ ու խնկաւորուած հայցւածներուդ, ով տունկ կեանքի օրհնուած պտուղին, որպէսզի քեզմէ միշտ օգնուած եւ բարեգործուած, քու մաքրական ծնելութեանդ ապաւինած եւ անով լուսաւորուած, ապրիմ՝ քու Տիրոջ եւ Զաւկիդ՝ Քրիստոսի համար: